














Digitized by the Internet Archive
in 2011 with funding from
University of Toronto

<http://www.archive.org/details/lelaydepaix00char>





lay de paix. ©



CSP

PA

1557

L2

1849

Cy commence le lay de paix.

p Aix eueuse fille du dieu des dieux
engendree au trosne glorieux
et transmise par le conseil des cieulx
pour maintenir la terre en vniite
Exillee de france et dautres lieux
par oultraiges et discors furieux

A vous princes nez du lís precieux
tresexcellens en toute dignite
Jadis louez haultz et victorieux
et a present de vostre eue enuieux
et contre vousmesmes iniurieux
en guerroyant vostre felicite
Par faulx discors et faitz malicieus
qui tant durent que trop sont ennuyeus
pour radresser voz couraiges en mieulx
transmetz ce lay de paix et dunité

Le lay.

p Ensez de qui vous venistes
et yssistes

a ii

et dont voz armes prenistes
et tenistes
honneur terre nom et gloire
Et de ceulx par qui nasquistes
et vesquistes
dont les biens vous vindrèt quittes
que nasquistes
ayeꝛ aucune memoire
Et par voz guerres despites
leurs merites
ne desfaites ou desdites
qui escriptes
sont et durent iusques ore
Sautrement faites ou dittes
voz conduites
seront en honneur petites
et maudites
en croniques et en histoire.

Sentre vous a de tort faitꝛ
des debatꝛ ou des mesfaitꝛ
contrefaitꝛ
par boullente ou par fait
qui desfait

ce quamours y deust parfaire
En doivent estre desfaitz
ceulx qui ne se sont mesfaitz
par voz faitz
et qui de tout ce mesfait
nont forfait
et si en ont tel affaire
Misez que par voz forfaitz
vos ennemys sont refaitz
et si faitz
que maintz exploitz et tortfait
en ont fait
pour la fleur du lis desfaire
Si vous seroit trop dur faitz
que vous qui en fustes faitz
si parfaitez
et en auez le bienfait
au parfait
luy souffrissiez tant mesfaire

Discorde haineuse
est vie attaineuse
et souspectionneuse

tousiours angresseuse
melancolieuse
pleine de douleur et dire
A lame greueuse
au corps perilleuse
au cueur changeigneuse
a leure douteuse
aux bons dommageuse
et au courage martyre
De bien enuieuse
de mal desireuse
de soing plantureuse
daise souffreteuse
dautre besoigneuse
a qui riens ne peut souffire
Pensee soigneuse
peine merueilleuse
despense oultrageuse
charge contagiouse
et si peu eueuse
que soy et autruy empire

Dieu quelz maulx et qlz dōmages

quelz meschiez et quelz oultrages
quelz ouurages
quelz pillages
et forfaiges
et quantz petiz auantages
sont venuz par voz debat
Quantes dames en befuages
orphelins sans heritages
et mesnages
labourages
et billages
bourgz villes chasteaulx passages
ars destruitz et miz au bas
Les baillans hommes et saiges
mortz. prisonniers en estages
en seruages
pastissages
et truages
tailles pour payer les gaiges
ont se font les grans calbas
Faulte de foy et domages
meschans miz en haultz estages

cueurs boulages
faulx messages
faulx langages
si pensez en voz courages
que trop durent telz debat

La paix.

Quant en france iestoye
Je lentretenoye
seure par la voye
par les villes coye
si que nulz ny mesfaisoyent
Toutes gens aloyent
quel part quilz bouloyent
et ne se mesloyent
ne ia ne parloyent
fors de liesse et de ioye
De gens la peuploye
la foy augmentoye
Justice y gardoye
science y mettoye
tous en sante y viuoyent
Les marchans gaignoyent

nobles voyageoyent
clercz estudioyent
les prestres chantoyent
et chascun plante monnoye
Riches les tenoye
les bons soustenoye
honneur maintenoye
cens y amenoye
tous estrangiers y venoyent
Les princes donnoyent
les grans despendoyent
pouures y portoyent
tous en ameudoient
cestoit donneur la montioye
Las trop fort mennoye
que bannie en soye
et quel se desuoye
dutout et foruoye
si que les estranges voyent
Ceulx qui en auoyent
lonneur quilz deuoyent
garder silz sauoyent
quilz la desauoyent

se dieu des cieulx ny pouruoye

Dont vient cest aueuglement
qui si dolereusement
par faulte dentendement
de saige gouuernement
dauis et de sentement
maintient cest eslonguement
et si longuement
Entendez lenseignement
du createur qui ne ment
qui pardonna largement
et vous fait commandement
par charles et par testament
de viure paisiblement
Helas et comment
chiet en voz iours si griefment
et par voz faitz seulement
vostre maison mesmement
qui estoit le parement
donne soubz le firmament
et de foy le fondement
son destinement
Cest a vostre damnement

et vng honteux veugement
se tost bon auisement
et piteux consentement
ny mettent amendement
vous en souffrirez torment
au grant iugement

Quel plaisir et quel liesse
quel honorable richesse
ou quel renom de prouesse
vous peut dilecques venir
en souffrant mal auenir
a ce vient vostre haultesse
et tout vostre bien vous vient
Est il serment ou prouesse
fait par ire ou par promesse
qui puisse rompre la tresse
ou droit de sang retenir
vous fist il entretenir
par naturelle liesse
dont le lien vous retient
Pitié et raison confesse
qu'il nest dangier ne aspresse

que ne deuez soustenir
pour le beau lis soustenir
dont lonneur et la haultesse
a garder vous appartient
Et se par vostre paresse
faulte dauis ou simplesse
chascun verser vous delaisse
que cuidez vous deuenir
ne quelle seurte tenir
car qui soy mesmes se blesse
daultroy desfie se tient

Horz debat; ennuyent
les bons cueurs les fuyent
et pour la paix prient
et vous en supplient
faites y deuoir
Les vertuz soublient
erreurs multiplient
ennemys espient
tousiours quoy quilz dient
a vous deceuoir
Droit; excommunient

et les loiz maudient
ceulx qui paix desdient
nature et droit crient
et font assauoir
Que tous se valient
les durs samolient
les fiers sumilient
les rigoureux prient
pour la paix auoir

Ayez des maulx repentance
et des biens recongnissance
tout ire et fureur cassez
oubliez le temps passez
et reprenez ordonnance
Donnez au peuple alegeance
et a dieu obeissance
vous en auez fait assez
pour deuoir estre lassez
relaissez luy la vengeance
Ne croyez outrecuidance
peu dure fiere puissance
dieu pardoint aux trespassez

par la fault que vous passez
cest nostre commune dance
Guerre la mort vous auance
paix tient vo vie en souffrance
par qui temps est relassez
ensemble vous amassez
monstre; questes nez de france

Qui veult que sa vie dure
en murmure
et trop se laisse abuser
a bser
son temps dessoub; la fortune
Elle se tourne a luy dure
et obscure
et le laisse cabuser
sans muser
car el nest pas tousiours vne
Homme qui de paix na cure
si procure
que paix le doit refuser
et ruser
cest la vengeance commune


Raison luy nuyst et nature
par droiture
non ne peut desaccuser
nescuser
qui la laisse par rancure


Si vous requier par desir curieux
fuyez rapportz faulx et suspicieux
querez moyens doux et concordieux
vainquez rigueur par vostre humilité
Laissez aigreux et faitz contencieux
orgueil. fureur. vouloir ambicieux
affections. appetitz vicieux
pensez que tout nest qu'une vanité
Et que les durz et les presumptieux
viuent dolentz et melencolieux
les benignes courtois et gracieux
soy gouvernans selon humanité
Leurs faitz durz et leurs estatz sôt tieulx
qu'on leur croist et meurz sans et vieulx
si qua lissir des fraesles corps mortieulx
leur ame est sauue avec la deite.

Cy finist le lay de paix.

IMPRIMERIE DE JULES DIDOT AINÉ, RUE DU PONT-DE-LODI, N° 6.









9
6
3

exempl. de Châtangon 19 2^{de} 1847.

n° 4 — fin a 16 exemplaires. c, l.





a39003 009601062b

